



Broj: 01/4-50-3-4-20/16
Sarajevo, 17.3.2016.

Z A P I S N I K

20. sjednice Komisije za finansije i budžet Predstavničkog doma Parlamentarne skupštine BiH, održane 16.3.2016., od 11 do 11,50 sati.

Sjednici Komisije prisustvovali su članovi: Predrag Kožul, Salko Sokolović, Nenad Lalić, Amir Fazlić, Mirsad Isaković, Dušanka Majkić, Jasmin Emrić i Damir Bećirović.

Opravdano je odsustvovala Aleksandra Pandurević.

Sjednici su, također, prisustvovali: Sanja Jokić, sekretarka Ministarstva, Sehija Mujkanović, pomoćnica ministra finansija i trezora BiH, Zoran Žuža, šef Odjela za informiranje Sektora za odnose s javnošću Sekretarijata PSBiH, Vlade Srdanović, stručni saradnik, te Željko Kosmajac, sekretar Komisije.

Sjednici je, također, prisustvovala i predstavница medija Amina Nuhanović, novinarka Dnevnog avaza.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći:

DNEVNI RED

1. Usvajanje Zapisnika 19. sjednice Komisije;
2. Razmatranje Prijedloga zakona o izmjenama i dopunama Zakona o plaćama i naknadama u institucijama Bosne i Hercegovine – prva komisijska faza (predlagač: Vijeće ministara BiH);
3. Prijedlog orijentacionog radnog plana Komisije za finansije i budžet Predstavničkog doma za period januar-decembar 2016. godine (sačinilac: Ured sekretara Komisije za finansije i budžet Predstavničkog doma).

Potom je predsjedavajući Komisije otvorio raspravu o dnevnom redu, u kojoj su učestvovali: Dušanka Majkić, Mirsad Isaković, Salko Sokolović, Predrag Kožul, Jasmin Emrić, Amir Fazlić i Željko Kosmajac, sekretar Komisije za finansije i budžet Predstavničkog doma PSBiH.

Primjedbu na predloženi dnevni red sjednice Komisije imao je član Komisije Mirsad Isaković, predlažući da se tačka 2. skine s dnevnog reda sjednice Komisije.

Kako nije bilo drugih primjedbi na predloženi dnevni red, predsjedavajući Komisije zatražio je da se o iznesenoj primjedbi očituju članovi Komisije, te konstatirao da je ona jednoglasno prihvaćena.

Zatim je zatražio da se članovi Komisije očituju o izmijenjenom dnevnom redu, te konstatirao da je jednoglasno usvojen sljedeći

DNEVNI RED

1. Usvajanje Zapisnika 19. sjednice Komisije;
2. Prijedlog orijentacionog radnog plana Komisije za finansije i budžet Predstavničkog doma za period januar - decembar 2016. godine (sačinilac: Ured sekretara Komisije za finansije i budžet Predstavničkog doma);
3. Tekuća pitanja.

Ad.1. Usvajanje Zapisnika 19. sjednice Komisije

Zapisnik 19. sjednice Komisije usvojen je jednoglasno, bez primjedbi.

Ad.2. Prijedlog orijentacionog radnog plana Komisije za finansije i budžet Predstavničkog doma za period januar - decembar 2016. godine (sačinilac: Ured sekretara Komisije za finansije i budžet Predstavničkog doma)

Orijentacioni radni plan Komisije za finansije i budžet Predstavničkog doma za period januar - decembar 2016. godine obrazložio je Željko Kosmajac, sekretar Komisije za finansije i budžet Predstavničkog doma PSBiH.

Zatim je predsjedavajući Komisije otvorio raspravu u kojoj su učestvovali: Dušanka Majkić, Mirsad Isaković, Predrag Kožul, Jasmin Emrić i Željko Kosmajac, sekretar Komisije za finansije i budžet Predstavničkog doma PSBiH.

Nakon rasprave, predsjedavajući Komisije predložio je sljedeće:

- da se iz radne verzije Orijentacionog radnog plana Komisije, u mjesecu martu i aprilu 2016. godine, predložena aktivnost Komisije „Razmatranje Prijedloga zakona o izmjenama i dopunama Zakona o plaćama i naknadama u institucijama Bosne i Hercegovine (predlagač: Vijeće ministara BiH“), zamijeni sa „Kontinuirano razmatranje podnesenih prijedloga zakona koji su u nadležnosti Komisije“;
- da popis zakona koji je dostavilo Vijeće ministara BiH u svom Programu rada za 2016. godinu, a za koje je nadležna Komisija, ostane kao dodatak Orijentacionom radnom planu Komisije;

- da se mjesec maj 2016. godine dopuni sa „Razmatranje informacije o realizaciji zaključaka Predstavničkog doma, odnosno Komisije po reviziji finansijskog poslovanja institucija BiH za 2014. godinu”.

Zatim je Komisija jednoglasno usvojila Orijentacioni radni plan Komisije za finansije i budžet Predstavničkog doma za period januar - decembar 2016. godine s predloženim izmjenama i dopunom Orijentacionog plana za 2016. godinu.

Ad.3. Tekuća pitanja

Predsjedavajući Komisije upoznao je članove o pozivu za razgovor s predstavnicima Svjetske banke. Nakon toga je Komisija ovlastila predsjedavajućeg Komisije Predraga Kožula i prvog zamjenika predsjedavajućeg Komisije Salka Sokolovića da održe sastanak s predstavnicima Svjetske banke.

Zatim je predsjedavajući konstatirao da su članovi Komisije primili k znanju informaciju o radnoj posjeti članova Komisije Uredu za reviziju institucija Bosne i Hercegovine.

Zatim je Komisija ovlastila Ured sekretara Komisije za finansije i budžet Predstavničkog doma da uputi dopis prema šest institucija BiH koje je Komisija javno saslušala u vezi s revizorskim izvještajem o finansijskom poslovanju institucija BiH za 2014. godinu, te da traži od institucija da Komisiju obavijeste o stepenu realizacije revizorskih preporuka, odnosno zaključaka Predstavničkog doma po revizorskim izvještajima.

Nakon toga, predsjedavajući Komisije upoznao je članove Komisije o svom učešću na seminaru koji je u organizaciji Međunarodnog monetarnog fonda održan u Beču od 1.3. do 4.3.2016. o temi: „Makroekonomska politika i izgradnja kapaciteta za zakonodavce Istočne i Jugoistočne Evrope“.

Također, predsjedavajući Komisije upoznao je članove Komisije o seminaru koji je u organizaciji Projekta USAID SGIP održan na Trebeviću, Sarajevo 14.3.2016., o temi: „Jačanje parlamentarne uloge tokom godišnjeg ciklusa planiranja budžeta institucija BiH“.

Sekretar Komisije

Željko Kosmajac

Predsjedavajući Komisije

Predrag Kožul